

Delegatkinja Borjana Krišto postavila je dva pitanja.

Prvo pitanje upućeno je Ministarstvu komunikacija i prometa BiH i Upravi za indirektno oporezivanje BiH koje glasi:

„Nakon ulaska Republike Hrvatske u EU iduće godine izvoz roba životinjskog porijekla bit će moguć samo preko dva granična prijelaza Bijača i Gradiška. Evidentno je da je Bosna i Hercegovina u kašnjenju s uvođenjem nužne standardizacije za robe namijenjene tržištu EU, te bi neispunjavanje i tehničkih preduslova u smislu odgovarajuće pripreme ovih graničnih prijelaza u potpunosti onemogućilo izvoz u EU, te negativno uticalo na ukupna ekonomska kretanja Bosne i Hercegovine.

S tim u vezi postavljam delegatsko pitanje:

'U kojoj fazi su pripreme u vezi sa izgradnjom i osposobljavanjem ova dva granična prijelaza (Bijača i Gradiška) preko kojih će biti osiguran izvoz roba životinjskog porijekla u EU, uključujući i putnu infrastrukturu prema njima?'

Drugo pitanje upućeno je Direkciji za evropske integracije BiH, a glasi:

„Proces programiranja Instrumenta pretprijetne pomoći (IPA) – Komponenta I. za Bosnu i Hercegovinu za 2012. i 2013. godinu u završnoj je fazi. Rok za razradu i dostavljanje formuliranog prijedloga Evropskoj komisiji je 1. juni 2012. godine, a rok za dostavljanje konačnih projektnih prijedloga je 13. juli 2012. godine. Kako kašnjenje u podnošenju projektnih prijedloga može uzrokovati veoma štetne posljedice za BiH, Dom naroda Parlamentarne skupštine BiH na svojoj sjednici usvojio je zaključak: 'Obavezuju se sve institucije koje su uključene u proces programiranja IPA-e – Komponenta I. za BiH za 2012. i 2013. godinu da ulože dodatne napore kako bi bili usaglašeni i preostali projektni prijedlozi i kako bi formulirani projekti bili predati do određenog roka.'

U vezi s prethodno navedenim postavljam delegatsko pitanje: 'Šta je sve preduzeto u vezi s ovim zaključkom Doma naroda? I tražim da mi se dostavi cjelovita informacija o do sada preduzetim radnjama i aktivnostima nadležnih institucija u vezi s ovim pitanjem.'